



Paarma Lund Kreutzmann,
Inatsisartunut Ilaasortaq, IA

§ 37 naapertorlugu apeqqutip nr. 114/2026-p akineqarnera

Asasara Paarma Lund Kreutzmann,

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuussutigineqartut qujassutigaakka. Apeqqutit issuarneqartarput tamatumalu kingorna akineqarlutik.

Kalaallit Nunaanni Peqqinnissaqarfik, peqqinnissaqarfimmi sulisoqarnikkut ingerlatsinermik akisussaasuusooq, apeqqutit akinissaannut ilassuteqartinneqarpoq. Tamatumunnga tunngatillugu nunap immikkoortuani aqutsisut peqqinnissaqarfimmut aningaasaliissutissatut aningaasanut inatsimmi killigeqqusat tunngavigalugit ulluinnarni ingerlatsisuupput.

1. Narsaq peqqissaaviani sygeplejerskit amerlassusaasa ikilineqarnissaannut kina aalajangiiva?

Akissut:

Peqqinnissaqarfik peqqissaavinni ataasiakkaani sulisussanik amerlassusiliinermut tunngasunik suliaqartuunani aningaasaliissutissatulli killigeqqusanut tunngasunik suliaqartuuvoq. Tassa nunap immikkoortuini aqutsisut aningaasaliissutissatut killigeqqusat tunngavigalugit aalajangiisarput, aamma suliasat kiisalu Peqqinnissaqarfiup qitiusumik immikkoortuini sullissineq pillugu allakkiaq¹ naapertorlugu peqqinnissakkut sullissinermik pinngitsoorani neqeroorutigineqartussat aallaavigalugit sulisut amerlassusissaannik nalimmassaasarput.

Narsami sulisut Kujataani nunap immikkoortuani aqutsisunit Peqqinnissaqarfimmut aningaasaliissutissatut killigeqqusat tunngavigalugit ingerlatsinikkut ataavartumik nalimmassaanerit malitsigisaannik amerlassusilerneqartarput.

Ulloq: 24-07-2026
Suliap nr.: 2026 - 12750
Allagaatip nr.: 26631084

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

¹ https://peqqik.gl/Emner/Patientinformation/Ydelser-i-SHV?sc_lang=kl-GL

2. Suut patsisigalugit ikilisaanissaq toqqarneqarpa?

Akissut:

Naalakkersuisut Narsap Peqqissaaviani sulisut pillugit aalajangiingillat.

Kalaallit Nunaanni Peqqinnissaqarfimmit Aningaasanut inatsimmi aningaasaqarnermi sinaakkutissanut aningaasaliissutit malillugit aaqqissuussisoqassasoq naatsorsuutigineqarpoq. Nalinginnaasumik suliassat sullissineq pillugu nassuiaatiniittut tunngavigalugit sulisoqarniarnikkut atugassarititat, aningaasaqarnikkullu sinaakkutit malillugit nunap immikkoortuini aqutsisunit sulisoqarneq nalimmassarneqartarpoq.

Nunap immikkoortuini tallimaasuni katillugit 47,7 mio. kr.-nik sippuinerit ingerlatsineri oqimaatigiissaarinissaq qulakkeerumallugu ilassutitut aningaasaliissutit matussuserneqareersimalertut ilanngullugu ilisimatitsissutigineqassaaq.

Taamaattumik Kalaallit Nunaanni Peqqinnissaqarfimmit 2026-mut missingersuutit eqquutsinnissaat aningaasaqarnerullu aqunneqarnissaat ukkatarineqarpoq.

Naalakkersuisut aamma Peqqinnissaqarfimmi Aqutsisoqarfiup akornanni oqaloqatigiinneq ingerlavoq, tassanilu peqqinnissaqarfiup peqqissutsimut tunngatillugu 2023-mi isumaqatigiisummi politikkikkut pingaarnersiugaat tunngavigalugit, ineriartortitseqqinnermi peqqissutsimut tunngatillugu annertusisamik isumaqatigiissutissaq nutaaq pillugu oqallinnermi nunap immikkoortuineersut peqataatinneqarnissaat naatsorsuutigineqarpoq.

3. Taamatut aalajangertoqarnissaa sioqqullugu Narsap peqqissaaviani sulisut oqaloqatigineqarsimappat?

Akissut:

Narsami Peqqinnissaqarfimmi sulisut pillugit aalajangiineq, nunap immikkoortuani aqutsisunit akisussaasunit, tassani ulluinnarni ingerlatsineq aammalu sulisut pillugit pilersaarusiorderit aallaavigalugit aalajangiisoqartarpoq. Ingerlatseriaaseq imaluunniit sulisut pillugit siuumoortumik oqaloqatigininnernut Naalakkersuisut ilaaneq ajorput.

4. Sygeplejerskit atorfeqartinneqartut amerlassusaat pisariaqartinneqanngitsoq isumaqatigiissutaava?

Akissut:

Apeqqut 1-mi aamma 2-mi akissutit takukkit.

5. Taamatut aalajangerup kinguneranik sygeplejerskinngorniartunik sulisoqarnissaq periarfissaajunnaarnissaa, naak peqqissaavimmi kliniskvejlederimik atorfeqartitsisoqaraluarnera eqqortuua?

Akissut:

Peqqissaasunngorniat tiguneqarsinnaanerat ilaatigut ilinniagaqarnermi avatangiisit, ilitsersuisinnaassuseq, suliassat kiisalu sulisut aalajangersimasut ataatsimut tamakkiisumik isigalugit naliliisoqartartoq peqqinnissaqarfik paasissutissiivoq. Taamaattumik sulisut amerlassusaannik allannguinnermi ilinniarfik peqqissaasunngorniartunik tiguisinnaanera taamaattumik akornuserneqanngilaq.

6. Sinerissami peqqissaavinni minnerni allani ikillirinerit aamma atuutsinneqarpat?

Akissut:

Nunap immikkoortuini aqutsisut Aningaasanut Inatsisikkut aalajangersarneqartut aningaasaqarnikkut tunngaviusut kiisalu najukkami pissutsit tunngavigalugit sulisut amerlassusaannik ingerlaavartumik naleqqussaasoqartarnissaq ulluinnarni ingerlatsinnermi aqutsinerup ilagaa. Nalilersuinerit immikkoortortanut ataasiakkaanut ingerlanneqartarput taamaattumik assigiinngissuteqarsinnaapput.

Napparsimmaviup paasissutissiissutigaa, Narsami sulisoqarneq pillugu aalajangiinnermut atatillugu nunap immikkoortuani aqutsisut ilaatigut Nanortalimmi Peqqissaavimmut, innuttaasut amerlassusaat assingusumut sanillersuipput, kisiannili napparsimmavimmi unittartut amerlanerullutik. Siunissami Narsami sulisunut peqqinnissaqarfinnut assingusunut allanut sanillersuullugu assingusunut angissusilinnut, aamma assingusumik suliassaqartitsinnermut naleqquttumik inissisimanissaat nunap immikkoortuani aqutsisunit nalilerneqarpoq.

Peqqissaavinni ingerlatsisarneq pillugu itinerusumik paasisaqarnerorusukkuit §37-apeqqummut nr. 061-2025-mut akissutit innersuunneqarput.

Sumiiffinni allani sulisut amerlassusaasa ikilisaasoqassanersoq Naalakkersuisut ilisimanngilaat. Peqqinnissaqarfiup piginnaasaasa nukittorsarnissaat erseqqissumik politikkikkut salliutinneqarpoq. Taamatuttaaq peqqinnissaqarfimmi sulisunik atorfinitsitsisarneq sulisulli attatiinnarneqarnissaat politikkikkut suli pingaarutilittut isigineqarpoq, tamannalu aamma peqqissutsimut tunngatillugu isumaqatigiissutissami annertusisami ilanngunneqassalluni.

Inussiarnersumik inuulluaqqusillunga
Med venlig hilsen



Anna Wangenheim

Peqqissutsimut inunnullu Innarluutilinnut Naalakkersuisoq
Naalakkersuisoq for Sundhed og Personer med Handicap